

liter enitescat, et utilitas postulata vires indubitanter assumat. Eapropter, dilecti in Domino filii, vestris justis postulationibus grato concurrentes assensu, devotionem quam erga B. Petrum et nos ipsos habere noscimur, attentes, personas vestras cum omnibus bonis tam ecclesiasticis quam mundanis quæ in præsentiarum laudabiliter possedetis, aut in futurum justis modis, præstante Domino, poteritis adipisci, sub protectione B. Petri et nostra suscipimus, specialiter autem ecclesiam Sanctæ Mariae Dealbatæ, ecclesiam Sancti Petri et Sancti Martini, ecclesiam Sancti Nicolai, capellam Sancti Jacobi, capellam Sanctæ Mariæ quæ est in domo Branhanonis, ecclesiam Sancti Martialis, ecclesiam Sancti Joannis de Saviniaco, ecclesiam S. Eleutherii, ecclesiam S. Joannis de Gorionis, ecclesiam Sancti Amantii, ecclesiam Sancti Petri de Quinto, ecclesiam Sancti Salvii de Dalbs, ecclesiam Sancti Sulpitii de Cella, et ecclesiam Sanctæ Mariæ de Salvenes cum pertinentiis earum, sicut eas justæ et sine controversia possidetis, vobis et ecclesiæ vestræ auctoritate apostolica confirmamus, et præsentis scripti patrocinio communimus: statuentes ut si vos in aliquo gravari senseritis, libere vobis licet sedem apostolicam appellare. Nulli ergo omnino hominum licet personas seu bona vestra temere perturbare, seu hanc paginam nostræ confirmationis et protectionis infringere, vel ei avsu temerario contraire. Si quis autem attentare præsumperit, indignationem omnipotentis Dei et beatorum Petri et Pauli apostolorum ejus se noverit incursum.

Datum Laterani, xiv Kal. Novemb., pontificatus nostri anno tertio.

CLIV.

Præposito Sanctæ Mariæ Magdeburgensi chirothecarum usum concedit.

[*LUDEWIG, Reliquiæ mss.*, II, 407.]

CLEMENS episcopus, servus servorum Dei, dilecto filio præposito ecclesiæ Beatæ Mariæ in Magdeburg.

Ad universalis Ecclesiæ regimen providentia supernæ dispositionis assumpti, sic administrare debemus dispensationis nobis creditæ ministerium, ut oculos apostolicæ sedis saluti ac profectui singulorum invigilet, et eos præcipue ad observationem bonorum operum debeat sollicitius provocare qui sub regulari militia sacram exhibere Domino nuntiuntur servitutem. Cum autem Ecclesia, tibi commissa per felicis memorie N. quondam Magdeburgensem archiepiscopum, regularibus institutionibus per Dei gratiam fuerit informata, et in ea rigor canonicus et regularis observantia disciplinæ laudabiliter hactenus, Domino faciente, viguerit, et per ipsam laudabilis honestatis fragrantiam nonnullæ in partibus illis ecclesiæ sint constructæ, attentius sollicitudini tuae imminet præcavendum, ne (quod absit!), inimico humani generis suadente, ipsius religionis puritas refregacat, et fraterna in vobis

A charitas et religionis observantia temporibus tuis sustineat detrimentum. Ideoque discretionem tuam monemus attentius et exhortamur in Domino, et præsentium auctoritate injungimus, quatenus ad ea quæ anteriora sunt jugiter te extendens, circa susceptæ administrationis officium attenta sollicitudine prosequaris, sic subditos tuos salubribus monitis instruas et horteris, corrigas quæ fuerint corrigenda, ædilices et plantes, ut et Deus in tuis actibus honoretur, et tuo studio faciente, non solum in ecclesia tua, sed in ceteris ex ea transplantatis, nec non in omnibus de ordine vestro per totam Saxoniam, sicut de jure ad te respectum habere debent, et resecetur vitia et virtutum germina propagentur. Juxta subditorum necessitates et indigentiam apostolica sedis censura suæ discretionis moderari consuevit indulgentiam, ut quæ omnibus tenetur prospicere, nullius fortunam vel meritum videatur negligere. Inde est quod nos bona conversationis tunc famam favorabiliter prosequentes, desiderio tuo efficaciter concurripos et assiluum tibi chirothecarum usum concedimus, ne videlicet manus tuas, quas spiritualiter sacris usibus devovisti, alicujus fœditatis tactus communiqueret; sed ab astu eas et gelu uredine continuo operimenti consuetudo incontaminatas conservet, etc.

CLV.

Monasterii S. Dionysii de Nogento protectionem suscipit, bona quoque ac privilegia confirmat.

[*Bullar. Cluniac.*, 92.]

CLEMENS episcopus, servus servorum Dei, dilectis filiis SIMONI, priori monasterii Sancti Dionysii de Nogento, ejusdemque fratribus, tam præsentibus quam futuris, regularem vitam professis in perpetuum.

Religiosis desideriis dignum est facilem præbere consensum, ut fidelium devotione celarem sortiatur effectum, et tanto libenteriæ sacræ religionis observantiae et alii bonis operibus insistat, quando senserit ab apostolica sede in pio et beato proposito benigne conloveri. Eapropter, dilecti in Domino fili, vestris justis postulationibus gratum imperfientes assensum, præfatum monasterium Sancti Dionysii de Nogento, in quo Dominico mancipati estis obsequio ad exemplar felicis memorie prædecessoris nostri Alexandri papæ, sub beati Petri et nostra protectione suscipimus et præsentis scripti privilegio communimus, statuentes ut quæcumque bona idem cœnobium impresentiarum juste et canonicæ possidet, aut in futurum concessione pontificium, largitione regum vel principum, oblatione fideliuum, seu aliis modis, præstante Domino, poterit adipisci, firma vobis vestrisque successoribus et illibata permaneant; in quibus haec propriis duximus exprimenda vocabulis:

Ecclesiam Beati Hilarii de Nogento cum capellaniis et appenditiis suis; burgum S. Dionysii liberum et absolutum ab omni iurisdictione et exa-

ctione alicujus, furnos, piscariam in eadem villa, molendina, nemus de Croisillies et calefactiones de nemoribus comitis et reparations ad domos proprias, ruricolas circa aquam Edulie, et ultra aquam cum propriis meteriis, decimam telonei ejusdem castri; in his omnibus, burgensibus videlicet et rusticis totum dominium præter duellum, ecclesiam Sanctæ Mariæ de Margon, duos modios apud Arcias, ecclesiam de Petra Fixa, ecclesiam Sancti Martini de Brunellis, ecclesiam de Campo Rotundo, capellanam Sanctæ Mariæ Magdalena de Perraria, ecclesiam de Cidroerillo, ecclesiam Sancti Andree de Fretinaco, ecclesiam Sancti Albini de alio Campo Rotundo, ecclesiam Sancti Petri de Harponvillario cum appenditiis suis, ecclesiam Sancti Hilarii de Bellonville, ecclesiam Sanctæ Anastasiæ de Nonvillario, ecclesiam Sancti Martini de Universio cum appenditiis suis, capellam de Oroneo, ecclesiam de Flacciaco cum appenditiis suis, domum in Carnotensi urbe, et omnia quæ ibidem rationaliter possidentis; rusticos apud Roemvillam et quæcunque alia in Carnotensi parochia canonice possidentis; ecclesiam Sancti Petri de Bosville cum appenditiis suis, quæ in eadem parochia sita est; ecclesiam Sancti Petri de Cetone cum burgo, et molendinis et furno, et rusticis et appenditiis suis; ecclesiam Sancti Vulphacii cum appenditiis suis, et quæcunque in Cœnomanica parochia possidentis; ecclesiam Sancti Martini de Berzelis, ecclesiam Sancti Petri de Brueria, ecclesiam Sancti Andoenis de Verreriis, ecclesiam Sancti Martini de Beloup cum appenditiis suis, ecclesiam de Gimagiis, ecclesiam Sanctæ Mariæ de Bure, ecclesiam de Fadentivilla prope Mauritaniam cum quadam parte decimæ; decimam de Burethe, ecclesiam Sancti Petri et Sancti Joannis de Mannis cum Agripenni prato; decimas apud Cerbon, ecclesiam de Combliou; decimas apud Corgon, ecclesiam Sancti Martini de Loisel, ecclesiam Sancti Præsceti, ecclesiam Sancti Gervasii de Faunis, ecclesiam Sancti Germani de Loscio cum capellanis et appenditiis suis, ecclesia scilicet Beatæ Mariæ, et ecclesiam Beati Maenuti et ecclesiam Sancti Joannis, quæ sunt posita in Mauritani Castro.

Decimam telonei de Mauritania cum furno; decimam pasnagii de Resnou, et de eodem nemore calefactiones, et reparations domorum monachorum de Loscio; quidquid juris habetis in ecclesia Sancti Hilarii juxta Sanctam Ceronam; decimam de Fesvallo, decimam apud Ortum robur, decimam apud Lineroles, decimam de Corbeon, et quidquid juris habetis in parochia Sagiensi, in cœmeteriais primi tis Burgensibus, molendinis, in agris, pratis sive aliis possessionibus, vobis auctoritate sedis apostolice confirmamus. Liceat etiam vobis in ecclesiis vestris presbyteros eligere, et diocesanum episcopo præsentare; qui si idonei fuerint, ab ipso gratis et absque pravitate aliqua curam animarum suscipiant, eique de plebis cura rationem reddant, vobis

A autem pro rebus temporalibus debitam subjectiō nem exhibeant. Adjacentes insuper, auctoritate apostolica prohibemus, ut nulli archiepiscopo vel episcopo liceat in prædictum monasterium vel in vos interdicti vel excommunicationis sententiam promulgare, aliquasque consuetudines ibi exigere, seu alicujus gravaminis causa manum apponere, vel missas publicas, seu stationes sine assensu vestro celebrare, quatenus ab omni servitii secularis infestatione securi, omni gravamine mundanæ oppressionis remoti, in sanctæ religionis observatione seduli ac quieti, Domino annuente, permaneatis. Si vero in atrio vestro, vel in sanguinis effusione, vel in verborum illatione, sive in aliquo hujusmodi violentiam contigerit irrogari, forte B nequaquam propter hoc a divinis ecclesia prohibetur officiis.

Libertates siquidem et immunitates, nec non antiquas et rationabiles consuetudines, vestro monasterio concessas et hactenus observatas, ratae habemus, easque futuris temporibus illibatas manere sancimus. Chrisma vero, oleum sanctum, consecrations altarium seu basilicarum, ordinationes clericorum qui ad sacros ordines fuerint promovendi, et cætera ecclesiastica sacramenta a diocesano suscipiatis episcopo, siquidem Catholicus fuerit et gratiam et communionem apostolicæ sedis habuerit, et ea gratis et absque pravitate aliqua vobis voluerit exhibere, alioquin vobis liceat quemcumque malueritis adire autistitem Catholicum, qui nimirum nostra fultus auctoritate, quod postulatur indulget. Sepulturam præterea ipsius loci liberam esse decernimus, ut eorum devotioni et extremitate voluntati qui se illic sepeliri deliberaverint, nisi forte excommunicati sint, nullus obsistat, salva tamen justitia illarum ecclesiarum a quibus corpora mortuorum assumuntur. Ecclesiarum vestrarum decimas quæ a laicis obtinentur, si secundum Dominum eorum potestati subtrahere vestræ religionis reverentia poterit, ad vestram et pauperum gubernationem vobis liceat possidere. Præcipimus etiam ut omnes ecclesiæ seu capellæ vestræ et cœmeteria sint omnis exactionis immunita, præter consuetam episcopi paratam et justitiam in presbyteros, si aduersus sui ordinis offendent dignitatem. Prohibemus etiam ut, infra fines parochiarum vestrarum, nullus ecclesiam vel oratorium sine assensu vestro adilicere præsumat, salvis tantum privilegiis Romanorum pontificum. Sancimus insuper ut donationes et alienaciones, quæ de possessionibus capituli vestri et locorum vestrorum, absque consensu ipsius capituli vel majoris partis et sanioris, a quadraginta annis infra illicite factæ sunt, legitime revocentur, et ne de cætero taliter flant auctoritate apostolica prohibemus.

. Confirmamus etiam ne cellarum vestrarum, ubilibet positarum, fratres, pro qualibet interdictione vel excommunicatione, divinorum officiorum suspensionem patiantur; sed tam monachi ipsi et fa-

muli eorum, et qui se monasticæ devotioni devo- A si. Nolentes igitur quod imposterum super hoc litigium indebitate suscitetur, renuntiationem quæstionibus illis, sicut a capitulo tuo coram prædicto archiepiscopo facta est spontanea voluntate, et hanc observata, et in scripto ejusdem archiepiscopi facio exinde continetur, ratam habemus, et auctoritate apostolica confirmamus: statuentes, ut nulli omnino hominum, etc.

CLVII.

Petente Mauritio, episcopo Parisiensi, concordiam inter Stephanum quondam episcopum et Theobaldum archidiaconum compositum conservari iubet.

[*THEODORI Pænitentiale, II, 718, ubi revocatur lector ad privilegia Eugenii III et Alexandri III de eadem re episcopo Parisiensi concessa. Vide Petriologiae tit. CLXXX et CC.*]

CLVIII.

Mauritio episcopo (Parisensi) scribit, mirari se, quod archiepiscopus Senonensis parochianos ejus, eo nesciente et inrequisito, ad alios judices mittat, interdum et propriæ sententiæ definitionem condemnnet. Concedit, ut liceat ei sententiam salva appellatione promulgatam ipso jure proponere, et parochianis, ne coram judicibus sic datis respondant, prohibere.

[*THEODORI Pænitentiale, II, 563.*]

CLEMENS MAURITIO episcopo.

Cum ex auctoritate canonum liqueat quid archiepiscopis jure metropolitico debeatur, et scriptum sit, ne quis terminos alienos usurpet, mirabile gerimus et satis reprehensibile judicamus, quod venerabilis frater noster archiepiscopus Senonensis parochianos tuas jurisdictioni subjectos, te nesciente et inrequisito, quosdam ad alios judices mittit, interdum et propriæ sententiæ definitionem condemnat. Sane quia hoc inhibitum, prohibitione canonica reperitur, salvo eo quod de articulo appellationis excipitur, et sententia a non suo iudice lata nihil obtinet firmitatis, fraternitati tuæ præsentibus litteris duximus concedendum, ut liceat tibi sententiam taliter promulgatam ipso jure proponere et parochianis tuis, ne coram judicibus sic datis respondeant, prohibere.

Nulli ergo, etc.

CLIX.

D *Petente Alfonso, Castellæ rege, in civitate Placentina sedem episcopatem constituit, diaecesisque a rege institutam confirmat.*

[*FERNANDEZ, Historia y Annales de Plasencia, p. 23.*]

CLEMENS episcopus, servus servorum Dei, charissimo in Christo filio illustri regi Castellæ ALPHONSO, salutem et apostolicam benedictionem.

Tunc Dei beneplacitum in humanis impletur actibus, cum corda principum ad hoc conspicimus viribus totis intendere, ut cultus divini nominis dilatetur, et iniuncti fidei catholicae conterantur. Unde nos qui quorumlibet pia desideria quadam mansueticitudinis adjuvare tenemur, tanto ad conceptorum executionem eos volumus diligenter adhorta-

Decernimus ergo ut nulli omnino hominum fas sit præfatum monasterium et loca ei subdita temere perturbare, aut eorum possessiones auferre, aut ablata tenere retinere, minuere, seu quibuslibet vexationibus fatigare, sed omnia integre conserventur corum, pro quorum gubernatione ac sustentatione concessa sunt, usibus omnimodis profutura, salvo sedis apostolicæ auctoritate et Cluniacensis monasterii ad quod spiritualiter spectat debita reverentia. Si qua igitur in futurum ecclesiastica sacerdotalis persona, hanc nostræ constitutionis paginam sciens, contra eam temere venire tentaverit, etc.

CLVI.

Mauritio episcopo Parisensi hoc privilegium asserit, ut quotiescumque decanatus vacaverit, redditum ejus percipiat.

[*THEODORI Pænitentiale, II, 640.*]

CLEMENS MAURITIO Parisiensi episcopo.

Ex quodam scripto authenticò exhibito nobis didicimus, quod, cum causa quæ inter te et canonicos Ecclesiæ tuæ super redditibus decanatus, dum vacaret, percipiendis, emerserat, venerabili fratri nostro Remensi archiepiscopo sanctæ Sabinae cardinali, tunc Senonensi archiepiscopo a felicis recordationis Alexandro papa prædecessore nostro commissa fuisse, decanus, et cantor, et quamplures canonici ejusdem Ecclesiæ infra diem tibi et canonicis ab ipso archiepiscopo assignatam in domo tua nova eadem præsente archiepiscopo converunt, et se causæ illi renuntiasse penitus, et in tuæ voluntatis arbitrio posuisse, ac omnes alias canonicos in pleno capitulo communiter fecisse, id ipsum coram sæpedicto archiepiscopo sunt confessi-